

# Îdolojî di edebiyatê de

Ebdilhemîd Mendanî

Dibe ku her îdolojîyekê rêkek wêjeyî çêkirî hebe, dîtina xwe bo edebiyatê bide diyarkirin ji bo ku pê re bigehe. Dibe ku her torevanekê awayek cuda hebe ji bo ku xwe pê bigehîne xwandevevanan.

Ango, her xwandingehê edebiyatê, herweha hunerê, rêkek îdolojî xweser heye.

Gelek boçûnên hunerî yan edebî, dengvedana hindêk rêbaz û îdolojîyên kevn in dûrî serdemê xwe, lewra jî her deqek edebî demê ku dihê diyarkirin, ka ji kîjan corî ye, rexne ji heman corî lê dihê kirin.

Gelek caran buhayekê mezin ji bo torevanî hatiye dan, ji ber ku ew bi xwe yek e ji rêkxistiyên îdolojîya xwedan desthelat. Wekî din jî, anga gelek caran torevan hatiye wendakirin çunkî ne bi îdolojîya wî demî re ye, demê ku ew tê de.

Hindek rexnegir palpiştiya wan têkstên edebî dikan, yên ku li gel îdolojîya wan diguncin, belê ew tîkstên ku li gel îdolojîya wan neguncin, nevên, bê ku astê kesê dahîner li ber çav werbigirin, renga ji ber ku buha û prensîpên edebiyatê yên lihevhatî nas nakin. Dibe ku torevan di edebiyatên xwe de rêbaza xwe ya îdolojî biguhore, herwesa çêdibe jî xwe tîkelî hindêk rêbazên din bike, ev jî ji bo tîkilbûna arêşeyên civakî û hizrî dizivire, bo nimûne: di civakê erebî de bi giştî û di yê Sûrî de bi taybetî, gelek rûdanên rojane pêdivî bi tîkilkirina civakî û neteweyî hene. Ev çende jî behra bêhtir di nav romanên de diyar dibe renga çunkî romanê pêdivî bi xwegirtin û gehîştinekê temam heye. Li vê derê, nabe rexnegir di navbera tîkstên edebî de bibe gez û bi kêfa xwe hindêkan feramoş bike, bihavêje, yan hindêkan pesend bike. Pêdivî ye li ser rexnegirî hemû tewerên siyasî û hizrî, bi taybet yên ku bi serê romanê hatin, li ber çav werbigire.

Dr. Feysel Simaqî, ev kêmasî hemû, bi hindêk karên veguhaztinê peywendîdar dike, herwesa awayên çêkirin û arastekirina awayên bo edebiyatê diyar kiriye bi taybet ketwarê rexneyî û ketwarê hevbehr, bo nimûne: dibe ku nivîskar di karekê de ketwarek hevbehr be, lê dibe ku di karekê din de ketwarek rexneyî be. Heger em berhemên "Elicêl" bixwînin, em dê kilasîka nû û taze li gel siruştî bibînin, lê heger em berhemên "Hene Mîna" bixwînin, em dê ketwarek rexneyî li gel ketwarek hevbehr bibînin. Ev dudilî di hevçorkirina romanê de bûye egerê cudayîya bîrûboçûnên rexnegiran di romana ketwarê rexneyî û romana hevbehr de. Rexnegirek dê vê romanê bi çavê ketwarê hevbehr bibîne û rexnegirek din dê bi çavê ketwarê rexneyî bibîne. Ev, ji bo tîkilkirina serûrûyê herdu ketwaran di romanekê de nazivire; belku bo rexnegirî û îdolojîya wî, bo serbor û şewazê wî yên kesayetî dizivire.